



Broj:02-23-1400-3/16
Fojnica, 06.9.2016. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH ("Službeni glasnik BiH", broj 39/14), člana 39. Statuta Općine Fojnica („Službene novine Općine Fojnica“, broj:1/15 – Prečišćeni tekst), a u vezi s preporukom Komisije za javne nabavke broj: 02-23-1400-2/16 od 05.9.2016. godine, Općinski načelnik, d o n o s i:

O D L U K U **o izboru najpovoljnijeg ponuđača**

Član 1.

Dodjeljuje se ugovor za nabavku radova za proširenje mosta kod Muharem ef. džamije i izgradnju potpornog zida kod mosta u izgradnji na rijeci Dragači, putem Konkurentskog zahtjeva za dostavu ponuda, ponuđaču "VH – GRADNJA" doo Fojnica, kao najbolje ocijenjenom ponuđaču, na osnovu kriterija najniža cijena tehnički zadovoljavajuće ponude, sa ponuđenom cijenom od 58.499,12 KM, sa uračunatim PDV-om

Član 2.

Prijedlog ugovora o nabavci dostavit će se na potpis gore izabranom ponuđaču u roku od 15 dana od dana kada su svi ponuđači obaviješteni o izboru najpovoljnije ponude.

Član 3.

Ova odluka objavit će se na web-stranici Općine Fojnica, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke – radovi na proširenju mosta kod Muharem ef. džamije i izgradnja potpornog zida u izgradnji na rijeci Dragači, proveden je putem konkurentskog zahtjeva za dostavu ponuda, broj: 02-23-1400/16 od 24.8.2016. godine.

Obavijest o nabavci broj: 546-7-3-15-3-10/16 objavljena je na Portalu javnih nabavki dana 24.8.2016. godine.

Komisija za javne nabavke Općine Fojnica, imenovana rješenjem Općinskog načelnika broj: 02-34-528/16, dostavila je dana 05.9.2016. godine Općinskom načelniku zapisnik broj: 02-23-1400-2/16. godine o ocjeni ponuda sa preporukom o izboru najpovoljnijeg ponuđača.

Komisija za javne nabavke je blagovremeno i ispravno izvršila javno otvaranje ponuda i ocjenu prispjelih ponuda, te je utvrdila da je blagovremeno pristigla ukupno jedna ponuda i to; "VH-GRADNJA" doo Fojnica.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranih ponuđača, računsku kontrolu ponuđenih cijena, te ocjenu prispjelih ponuda prema kriteriju iz Tenderske dokumentacije.

U postupku ocjene provedenog postupka Općinski načelnik nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke. Naime utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

Na osnovu kriterija najniža cijena tehnički zadovoljavajuće ponude za javnu nabavku radova – radovi na proširenju mosta kod Muharem ef. džamije i izgradnja potpornog zida kod mosta u izgradnji na rijeci Dragači, izabran je ponuđač "VH-GRADNJA" doo Fojnica sa ponuđenom cijenom od 58.499,12 KM sa uračunatim PDV-om.

Na osnovu izloženog, a u skladu sa članom 64. stav 1. tačka b), Zakona o javnim nabavkama riješeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od pet dana od prijema Odluke. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Naslovu,
2. Evidencija i
3. Arhiva

OPĆINSKI NAČELNIK

Klisura Sabahudin, dipl.ing.